



Departement für Finanzen und Gemeinden

Departament da finanzas e vischnancas

Dipartimento delle finanze e dei comuni

Il quint chantunal 2024 serra cun in solid surpli dals retgavs

87,7 miu. surpli dals retgavs

Il quint 2024 serra cun in ferm surpli dals retgavs dad 87,7 milliuns francs (onn avant: 162,4 miu.). Il bun resultat sa basa sin fermas valurs da las entradas, quai cun in augment dals retgavs da circa 130 milliuns francs.

6,8 pertschient dapli expensas

Cun +148,3 milliuns francs (+6,8 %) ha il svilup tar las expensas totalas (expensas currentas ed investiziuns bruttas) in caracter fitg dinamic, particularmain en il sector da las contribuziuns a terzs (+64,1 miu.). La gronda part da questas contribuziuns vegn pajada al sector dals fatgs socials ed al sector da sanadad. La quota statala importa 13,1 % (media da plirs onns: 13,5%).

Per l'onn 2025 vegn spetgà in resultat gulivà

Dapi l'onn 2022 sa reduceschan ils surplis dals retgavs successivamain. Grazia al fatg, che la Banca naziunala svizra po puspè far ina distribuziun dal gudogn, vegn spetgà per l'onn 2025 in quint equilibrà. Per l'emprima giada vegn il sbassament dal pe da taglia da 5 pertschient per las personas natirals ad avair in effect.